

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 416695 22 St
Tuzla, 17.08.2022. godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom **„PRAKTIC“ EXPORT-IMPORT d.o.o. za proizvodnju i trgovinu na veliko i malo Tuzla, ul. Izeta Sarajlića do br. 34**, nakon provedenog stečajnog postupka donio je dana 17.08.2022. godine slijedeće:

R J E Š E N J E

OTVARA SE stečajni postupak nad imovinom dužnika **PRAKTIC“ EXPORT-IMPORT d.o.o. za proizvodnju i trgovinu na veliko i malo Tuzla, ul. Izeta Sarajlića do br. 34**, matični broj subjekta 1-9578, JIB: 4209316390006, račun broj: 1941044183600108 otvoren kod ProCredit bank d.d. Sarajevo.

Za stečajnog upravnika imenuje se Emir Nuhanović iz Živinica, ul. Priluk br. 65.

ZAKLJUČUJE SE stečajni postupak nad imovinom dužnika **„PRAKTIC“ EXPORT-IMPORT d.o.o. za proizvodnju i trgovinu na veliko i malo Tuzla, ul. Izeta Sarajlića do br. 34**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 416695 22 St od 08.04.2022.godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva **„PRAKTIC“ EXPORT-IMPORT d.o.o. za proizvodnju i trgovinu na veliko i malo Tuzla, ul. Izeta Sarajlića do br. 34**, a za privremenog stečajnog upravnika imenovan je Emir Nuhanović iz Živinica, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 09.05.2022. godine. Iz izvještaja privremenog stečajnog upravnika proizilazi da društvo društvo ne posluje od 2017.godine kada je Rješenjem ovog suda broj: 032-0-Reg-17-000281, od 21.02.2017.godine utvrđen prestanak društva.Društvo nema poslovnih jedinica a registrovano je za obavljanje većeg broja djelatnosti, a primarna djelatnost društva bila je trgovina motornih vozila na veliko, šifra djelatnosti 50101. Društvo nema zaposlenih radnika, niti raspolaže bilo kakvom imovinom. Društvo je i prije 2017.godine ostvarilo gubitak, koji je najvećim dijelom nastao po osnovu obaveza za neisplaćene plaće i naknade plaća kao i obaveze za pripadajuće poreze i doprinose. Obaveze društva prema knjigovodstvenoj evidenciji iznose 131.584,00 KM, a žiroračun društva je duži vremenski period blokiran. Prema evidenciji Kantonalnog poreznog ureda Tuzla na dan 21.01.2022.godine dužnik ima obaveze po osnovu javnih prihoda u iznosu od 39.923,77 KM.

Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajnog postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 06.06.2022. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predumjerenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 47/22 dana 15.06.2022. godine, oglasnoj tabli suda dana 07.06.2022. godine i na web stranici suda, kojim se objavama javni poziv smatra dostavljenim.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu preduma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA

Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.